

ԱՐԻՈՒԹՅԱՆ ԲԱՐՁՈՒՆՔԻՑ

Արվեստագետի ուղին միշտ էլ դժվարին է։ Եվ որքան մեծ է արվեստագետը, այնքան ավելի բարդ ու ողբերգական է այդ ուղին, որովհետև արվեստագետը, իր նյութն առնելով աշխարհից, պատասխանատու է ամեն ինչի համար։ Ուստի նրա պարտականությունն է սեփական համոզմունքի, խղճի առաջ, դա նրա ճակատագիրն է, նրա խղճմտանքն ու օգնությունը, նրա իմացությունն ու կանխատեսումը, որոնք ամրապնդվում են սեփական կապտուկների և ուռուցքների, սեփական ողբերգության փորձով։

Արվեստագետը տառապում է միայնակ, բայց նրա անհատական ճակատագիրը ընդհանրական է։

Այսպիսին է ինձ ներկայանում նաև Ֆրանց Վերֆելի տաղանդավոր անհատականությունը՝ մեր 20-րդ դարի արյունոտ հորձանուտներով անցած անհանգիստ ու խռովահույզ կյանքի ստեղծագործական սխրանքի դժվարին ուղու բոլոր կանխատեսումների ու տառապանքների մեջ։

Ֆրանց Վերֆելը ծնվել է 1890 թվականին Պրագայում, հրեա հարուստ առևտրականի ընտանիքում։ Գիմնազիան ավարտելուց հետո սովորել է Լայպցիգում ու Համբուրգում։ Ճշմարտության որոնման նրա ընկերներն են եղել Կաֆկան և Էգոն Էրվին Կիշը։

Նա շատ վաղ հիվանդացավ «բոլոր մարդկանց հոգեպես բարեփոխելու ճանապարհով աշխարհը նորոգելու» անբուժելի ցավով։

Նա քրիստոնեությունից նետվեց մարքսիզմին։ Եվ մինչև ստեղծագործական հանձարի վերջին մարմրումն այդպես էլ ամուր հող չգտավ իր անհանգիստ որոնումների համար։

Նա գրեց բանաստեղծություն ու դրամա, ակնարկ ու էսսե, վեպ ու պամֆլետ և բոլոր ժանրերում էլ թողեց իր խոսքը, իր արտասովոր անհատականությունը, որն այժմ էլ հետաքրքրում է ոչ միայն գրականության պատմաբանին։

Նա մահացավ Կալիֆոռնիայում, 1945 թվականին, և հալածականի հուսախաբության կիսախավարը, որ թեթևակի լուսավորվեց հաղթանակի հրավառությամբ, ծանրացավ օտար հողում թաղված նրա աճյունի վրա։

Նա որոնող անհատականություն էր, որ տիրապետում էր կանխապացման և կռահումի հազվագյուտ ունակությանը։

Նա 20-րդ դարի եվրոպական մշակույթի լավագույն ներկայացուցիչների շարքում, Ռոմեն Ռոլանի ու Թոմաս Մանի, Լիոն Ֆեյխտվանգերի ու Պիեռ Լագերկվիստի հետ

միասին և միաժամանակ առաջինն սկսեց անձնական պայքար ընդդեմ ֆաշիզմի։ Դա դաժան պայքար էր, մահու և կենաց պայքար։

Եվ, ինչպես ամեն մի արվեստագետ փորձում է իր իսկ ճակատագրով ըմբռնել ժամանակը, իր ստեղծագործական անհատականությամբ կապել անցյալն ու ներկան, Ֆրանց Վերֆելն ունեցավ իր ողբերգությունը և իր թռիչքը։

Ու այդ թռիչքով նա արժանացավ անմահության։

Նույն «Մուսա լեռան քառասուն օրերը» էպիկական վեպի մասին է։

Այդ գիրքը գրվեց 1933 թվականին և եղավ առաջին ապոկալիպսիսներից մեկը, որը թե՛ բուն Գերմանիային և թե՛ ողջ մարդկությանը նախապգուշացրեց իսկական ֆաշիզմի հայտնվելու, նրա սահմոկեցուցիչ, արյունոտ էության մասին։

Այդ գիրքը հստակ ու համոզիչ կերպով ցույց տվեց, որ Հիտլերն ու Մուսոլինին 20-րդ դարում ունեցել են իրենց նախորդները, ահապանգեց Եվրոպային և ողջ աշխարհին, որ այդ աշակերտներն սովելի հեռուն կզնան ուսուցիչներից իրենց արյունոտ գործերի թե՛ չափերով և թե՛ հնարամտությամբ։

Գիրքը մարդկանց կոչում էր պոնություն։ Այն ոչ միայն հուշարձան էր ցեղասպանությանը, այլև՝ ամենից առաջ դիմադրության դասագիրք էր։ Այն մերկացնում էր թե՛ մարդկության դահիճներին և թե՛ նրանց արյունոտ փրկիսփայությունը։

Ֆրանց Վերֆելը գիտեր, որ դահիճը, ամեն ինչից պատ, զարջելի ու վտանգավոր է նրանով, որ երբ պարապ է մնում, սկսում է իր համար պեղումներ հնարել ու որոնել, և նա, ով մի անգամ արդեն համոտեսել է մարդկային արյունը, այլևս չի կարող ապրել առանց դրա։

Ֆրանց Վերֆելի գիրքը կես դար շարունակ մարտնչել է մարդկության դահիճների դեմ և մինչև օրս էլ շարունակում է իր պատմական ազնիվ առաքելությունը։ Այն թարգմանվել է եվրոպական համարյա բոլոր լեզուներով՝ սովորեցրել է մարդուն՝ դժվարին պահին զոհել իրեն հանուն մերձավորի։ Գիրքն այդ մեծագույն սխրանքն ուսուցանում էր նաև ֆաշիզմի՝ 20-րդ դարի զարջելի ու սահավոր այդ չարիքի ջախջախման տարիներին, և թերևս ըստ արժանվույն դեռ չի գրնահատված նրա այդ ծառայությունը։ Այդ գիրքն այժմ էլ մարտական շարքերում է։ Այն շարունակում է Ֆրանց Վերֆելի հոգու

ալնիվ գործը, և դեռևս անպարփակ է նրա ներգործության հորիզոնը: Եվ Ֆրիդրիխ Շիլլերի այն խոսքերը, թե՛ եթե մարդ անհրաժեշտ է իր ժամանակի ալնիվ մարդկանց, նա անհրաժեշտ է բոլոր ժամանակներին, — ամբողջովին վերաբերում են հենց իրեն՝ Ֆրանց Վերֆելին և նրա գլուխգործոց «Մուսա լեռան քառասուն օրերը» վեպին:

Այդ հիմնավոր, մինչև օրս էլ այժմեականությունը պահպանած գիրքն առաջին անգամ է լույս տեսնում ռուսերեն, և ես վստահ եմ, որ այսօրվա ընթերցողը կըմբռնի նրա հույժ արդիականությունը, նրա ցավը, մեր ժամանակի խորունկ հակասությունների մեջ թափանցելու ուժը և կուրախանա հոգի պարուրող կարեկցանքով:

Ինձ թվում է, որ Յուլիուս Ֆուչիկի վերջին՝ «Մարդիկ, ես ձեզ սիրում էի: Ձգո՛ւն եղեք» խոսքերը կարող են լավագույն գրախոսությունը լինել նրա ավագ հայրենակից Ֆրանց Վերֆելի գրքի մասին, որովհետև երկուսին էլ առաջնորդել է նույն համոզմունքը, նույն հավատարմությունը մարդկային եղբայրությանը, նույն հանգստությունն այն բանում, որ դահիճները, որքան էլ դաժան լինեն, դատապարտված են պարտության, մանավանդ որ դաժանությունը ոչ այլ ինչ է, եթե ոչ վախկոտության մյուս երեսը:

Երևանում, Հրապարակի բարձրագույն ափին հառնում է Ցեղասպանության պոեթի տխուր հուշարձանը, Թուրքիայի պատմության ամոթի հուշարձանը: Հուշարձանն այն ապալանալու ոճրագործության, որ կարելի է համարել ֆաշիզմի առաջին ճեպ գործունեությունը 20-րդ դարում և որի հետևանքով 1915 թվականին ոչնչացվեց հայության կեսը: Դաժանության հուշարձանը, մեր երկրագնդի բոլոր ժողովուրդներին պզոնության կոչող հուշարձանը:

Եվ ամեն անգամ, երբ ես լինում եմ այնտեղ, լսում եմ Կոմիտասի ողբը, պարմանքով ու տագնապով հագեցած սրտակեղեք լացը, մարդկային հոգու և տիեզերքի ողբը, որն իր հավերժական հնչողությամբ ուղղված է գալիք ժամանակների մարդկային բոլոր հոգիներին: Այդ ողբն իմ հոգու մեջ խառնվում է Մադանեկի և Օսվենցիմի, Կլոդի և Բուխենվալդի ողբին, Լիդիգայի և Խատինի երեխաների ճիչին:

Բայց Ֆրանց Վերֆելն իր գրքում անդրադարձել է ոչ այնքան պոեթին, որքան հերոսներին, ոչ թե դաժանությանը պասիվորեն հնազանդվելուն, այլ դիմադրությանը, դահիճների ոճրագործությանն ակտիվորեն դիմագրավելուն:

Նրա գրքի հերոսը՝ Գաբրիել Բագրատյանը, ծագումով հայ է, հարուստ ծնողների զավակ, որը հումանիտար փայլուն կրթություն է ստացել Եվրոպայում, թուրքական բանակի սպա է՝ ջքանշանների արժանացած Բալկանյան պատերազմում գործած սխրանքների համար: Նա իր ֆրանսուհի կնոջ ու որդու հետ, որպես մեռած եղբոր կալվածքի ժառանգորդ, Փարիզից վերադառնում է Թուրքիա՝ Մուսա լեռան ստորոտում գտնվող գյուղը, իր մանկության օրանը, իր հայրենակիցների բնաշխարհը:

Նա ամեն ինչ ունի՝ փող, ընտանիք, հիանալի տուն, կալվածք, կայուն դիրք հասարակության մեջ:

Բայց այդ թվացյալ բարեկեցության աշխարհը խարխվելով՝ փլվում է չնախատեսված դեպքերի ճնշման տակ:

Ժամանակի թուրքական բանակի պարագլուխներից մեկը՝ Էնվեր փաշան, խաբեությանը հավաքում է հայերի վեներ և, օրենքից դուրս համարելով, նրանց դեմ է ուղղում կրոնական մոլեռանդների ատելությունը, և ապագայնամու սանձարձակության մեջ հրով ու սրով սկսվում է հայ ժողովրդի պլանաչափ ու ծրագրված բնաջնջումը:

Եվ թուրքական բանակի սպայի, քաջագործությունների համար թուրքական ջքանշաններ ստացած Գաբրիել Բագրատյանի վրայից ընկնում է եվրոպական կոսմոպոլիտիզմի պատյանը, ու նա դառնում է ի՛ր ժողովրդի զավակը, և դեպքերը նրան դարձնում են դիմադրության դեկավար: Նա գիտե ռազմական գործը: Նա հավաքում է ջրջակա գյուղերի հայ բնակչությանը և դաշտավայրից առաջնորդում դեպի Մուսա լեռ:

Բագրատյանը գտնում է համախոհներ ու վեներ և ամրաջինության խստագույն կանոններով կազմակերպում պաշտպանությունը:

Նա նույնիսկ ժամանակ չի ունենում անդրադառնալու, թե ինչպես է ինքը նմանվում Լեոնիդասին, իսկ պինակիցները՝ Թերմոպիլի ձակատամարտի հույներին:

Ողջ Թուրքիայի տարածքում ջարդում են հայերին: Նրանց թալանում և բռնի ուժով տեղահանում են իրենց հայրենիքից, դարավոր բնօրրանից և քշում են մահաշունչ վայրեր, ուր նրանք սովի ու անապատային անողոք խորջակի տանջանքների մեջ դատաւարտված են մահվան:

Այդ նույն ձևով քառորդ դար անց Հիտլերի հրամանով էսէսականներն էին հրեաներին ու լեհերին, ռուսներին, գնչուներին ու բոլոր անցանկալիներին քջելու Օսվենցիմ, Ռավենսբրյուկ և Կլոդո, քջելու էին դեպի գապախցիկները, հորերը, վառելու, գրնդակահարելու էին կանանց, երեխաներին ու

ծերերին, և ողջ Եվրոպայի օղջ հագնեալու էր մարդկային մազերի խանձահոտով:

Ողջ Թուրքիայով մեկ ջարդում են հայերին, բայց կանգուն է մնում Մուսա լեռը, հայոց արիության անմատչելի բարձունքը: Լեռան կայավորը ետ է մղում Թալեաթի կանոնավոր զորքերի գրոհները: Արյունով ներկվում, բայց անընկճելի է մնում Մուսա լեռը: Նրա կայավորը այլ ելք չունի: Մնում է իր դիրքերում: Պաշտպանվում է ու հարձակվում: Ողջ աշխարհում մեն-մենակ, խելահեղության բոցով բռնված, չի պիջում մարդկային ոգու արիության իր բարձունքը:

Քառորդ դար անց նույն համառությամբ էին դիմադրելու Բրեստի և Գանգուտի, Հաջիմուշկայի և Օդեսայի, Լենինգրադի և Մոսկվայի պաշտպանները: Արիությամբ արյունակից բոլոր մարդիկ, մարդկային արժանապատվության բոլոր հերոսները:

Դիմանում է Մուսա լեռը: Դիմանում է քառասուն օր ու գիշեր՝ առանց հացի ու վառողի: Մնում է կանգուն և կմնա այդպիսին իբրև տոկոսության օրինակ բոլոր ժողովուրդների, համայն աշխարհի, ողջ մարդկության համար:

Եվ մահ չկա Մուսա լեռան հերոսներին, նրանց սխրանքը կմնա դարեդար, իր իսկ՝ ժամանակի հոգու մեջ:

Այդ սխրանքը բոլոր ժամանակներին ու բոլոր ժողովուրդներին իր գթառատ սրտով, իր հոգու արիությամբ, իր տաղանդի վարպետությամբ կտակել է գրող Ֆրանց Վերֆելը:

Նա այդ գիրքը գրեց 1933 թվականին: Գրեց իբրև նախապզուցում ողջ Եվրոպային ու աշխարհին առ այն, որ երկրի երեսին հայտնվել է Հիտլերը, որն իր ետևից բերում է չափերով ավելի մեծ և դաժանությամբ ավելի խարդախ չարիք:

Եվ Ֆրանց Վերֆելը չսխալվեց ու իր ճակատագրով վարձահատույց եղավ այդ հայտնության համար: Հիտլերը Վերֆելին վռնդեց Ավստրիայից: Նա փոխադրվեց Փարիզ: Հիտլերը նրան վռնդել տվեց Փարիզից, և նա Թոմաս Մանի հետ թաքուն անցավ Իսպանիա, այնտեղից էլ Պորտուգալիայով՝ Ամերիկա: Հիտլերը կամեցավ նրան դարձնել վտարակ, բայց նա դարձավ աշխարհի որդին, մարդկանց երգիչը, այն մարդկանց, որոնց ոչինչ սարսափելի չէ, եթե յուրաքանչյուր ընդունի պատրաստ են մեռնել միմյանց համար:

Ֆրանց Վերֆելի «Մուսա լեռան քառասուն օրերը» գիրքը արիության հիմն է: Բացառիկ տաղանդով է գրված այն: Գրքի յուրաքանչյուր հերոս ունի իր բնավորությունն ու ձայնը: Այն խելացի ու հեռահար գիրք է:

Վեպը նախանձելիորեն երկար կյանք կունենա, որովհետև հոգուց բխած, կրքով հագեցած խոսքը դիմացկուն է անգամ այն մարմարից, որի վրա փորագրվում է:

Այդ գրքում ապրում և գործում են ճանաչման իմաստությունը, փորձի դառնությունը և կանխատեսման անողորմությունը, ընդ որում՝ այն գրված է, ինչպես և վայել է մեծ գրողին, ոչ թե միտումնավորությամբ, այլ առարկայական ճշմարտացիության այն չափով, որը գիրքը դարձնում է իր ժամանակի հոգևոր երևույթ:

Հրապարակի ափին հառնում է Ցեղասպանության տխուր հուշարձանը: Այնտեղ, խոնարհված սյուների տակ, ինչպես հավերժության քարե ափերի մեջ, վառվում է հիշողության հավերժական կրակը, և հնչում է հոգեպարար երաժշտություն, լուսավորելով մարդկային հոգին:

Բայց, այդ հուշարձանից բացի, քաղաքից դուրս, Էջմիածին տանող ճանապարհին, Մուսալեռ գյուղում, հենց այն գյուղում, ուր ապրում են Մուսա լեռան պաշտպանների շառավիղները, կա մի այլ՝ Մուսա լեռան հերոսներին նվիրված հուշարձան: Այն հառնում է բլրի գագաթին որպես խիզախության աշտարակ, կառուցված կարմիր տուֆից: Նրա ճակատային մասում քանդակված է թևատարած արծիվ՝ իբրև մարդկային հոգու արիության ու գեղեցկության խորհրդանիշ:

Այդ հուշարձանը ժողովուրդն է կառուցել: Եվ ամեն տարի Մուսա լեռան Հաղթանակի օրը այստեղ հավաքվում են հերոսների ժառանգները և լուռ երդում են տալիս՝ մարդկային եղբայրության ճամփով տանել սղխրանքի էստաֆետը: Սրբատաշ տուֆի կարմիր որմածքի վրա դեռևս չի փորագրված Մուսա լեռան և ոչ մի հերոսի անուն: Դրանք դեռ կգրվեն: Անխտիր բոլորինը: Այդ անունների շարքում կույգի տեսնել նաև Ֆրանց Վերֆելի անունը, մի մարդու, որը վերակերտեց այդ սխրանքը բոլոր մարդկանց ու բոլոր ժամանակների համար:

Նա արժանի է դրան:

Մ. ԴՈՒԴԻՆ